

Kantona Sarajevo za 2025. godinu, broj 01/2-02-2-13986-5/25 od 23.04.2025. godine, koje su sastavni dio ove odluke.

II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 10-11-21600/25
14. maja 2025. godine
Sarajevo

Ministar
Prim. mr. sci.med.
Enis Hasanović, s. r.

Na osnovu člana 103. Zakona o zdravstvenom osiguranju ("Službene novine Federacije BiH", broj 30/97, 07/02, 70/08, 48/11 i 36/18), člana 17. Statuta Zavoda zdravstvenog osiguranja Kantona Sarajevo, ("Službene novine Kantona Sarajevo", broj 4/00, 18/02, 30/08, 1/12, 15/13, 9/22), član. 59 stav 7. Zakona o budžetima FBiH ("Službene novine Federacije BiH", br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25) i člana 14. Odluke o izvršavanju Finansijskog plana Zavoda zdravstvenog osiguranja Kantona Sarajevo za 2025. godinu ("Službene novine Kantona Sarajevo", broj 52/24), Upravni odbor Zavoda zdravstvenog osiguranja Kantona Sarajevo, na 38. redovnoj sjednici održanoj dana 25.03.2025. godine, donosi

ODLUKU

O PRERASPODJELI SREDSTAVA UNUTAR POZICIJA RASHODA I KAPITALNIH IZDATAKA U FINANSIJSKOM PLANU ZAVODA ZDRAVSTVENOG OSIGURANJA KANTONA SARAJEVO ZA 2025.

GODINU

Član 1.

Ovom Odlukom vrši se preraspodjela sredstava unutar pozicija rashoda i kapitalnih izdataka u Finansijskom planu Zavoda zdravstvenog osiguranja Kantona Sarajevo za 2025. godinu ("Službene novine Kantona Sarajevo", broj 52/24) kako slijedi:

- Pozicija 2.15. "Praćenje i monitoring IS" na kto 613991 smanjuje se za 36.300 KM i to sa iznosa 212.000 KM na iznos 175.700 KM
- Pozicija 4.2. "Nabavka stalnih sredstava u obliku prava" na kto 821500 povećava se za 36.300 KM i to sa iznosa 2.531.000 KM na iznos 2.567.300 KM.

Član 2.

U skladu sa članom 1. ove Odluke vrši se korekcija u članu 6. Finansijskog plana Zavoda za 2025. godinu na način da se u analitičkom prikazu sredstava planiranih za finansiranje nabavke stalnih sredstava u obliku prava u 2025. godini (pozicija 4.2. Finansijskog plana) u tabelarnom pregledu "4.2. 821500 Izdaci za nabavku stalnih sredstava u obliku prava" red 2 (dva) i tri (3) mijenja tako da umjesto:

4.2	821500	DCS – Data clasification system - postupak u toku, implementacija u 2025. godini	93.600
4.2.	821500	DLP – Data Loss Prevention - postupak u toku, implementacija u 2025. godini	93.600

Objedinjavaju u jedan red koji sada glasi:

4.2	821500	DCS – Data clasification system i DLP Data Loss Prevention- postupak u toku, implementacija u 2025. godini	223.500
-----	--------	--	---------

Član 3.

Odluka stupa na snagu danom donošenja, a primjenjivati će se po dobivanju saglasnosti Ministarstva zdravstva Kantona Sarajevo.

Broj 01/2-02-2-9930-7/25
25. marta 2025. godine
Sarajevo

Predsjednik
Upravnog odbora
Dr. sci. **Jasmin Hošo, s. r.**

Na osnovu člana 103. Zakona o zdravstvenom osiguranju ("Službene novine Federacije BiH", broj 30/97, 07/02, 70/08, 48/11 i 36/18), člana 17. Statuta Zavoda zdravstvenog osiguranja Kantona Sarajevo, ("Službene novine Kantona Sarajevo", broj 4/00, 18/02, 30/08, 1/12, 15/13, 9/22), član. 59 stav 7. Zakona o budžetima FBiH ("Službene novine Federacije BiH", br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25) i člana 14. Odluke o izvršavanju Finansijskog plana Zavoda zdravstvenog osiguranja Kantona Sarajevo za 2025. godinu, ("Službene novine Kantona Sarajevo", broj 52/24), Upravni odbor Zavoda zdravstvenog osiguranja Kantona Sarajevo, na 39. redovnoj sjednici održanoj dana 23.04.2025. godine, donosi

ODLUKU

O IZMJENI ODLUKE O PRERASPODJELI SREDSTAVA UNUTAR POZICIJA RASHODA I KAPITALNIH IZDATAKA U FINANSIJSKOM PLANU ZAVODA ZDRAVSTVENOG OSIGURANJA KANTONA SARAJEVO ZA 2025. GODINU

I

U Odluci o preraspodjeli sredstava unutar pozicija rashoda i kapitalnih izdataka u Finansijskom planu Zavoda zdravstvenog osiguranja Kantona Sarajevo za 2025. godinu broj 01/2-02-2-9930-7/25 od 25.03.2025. godine, u članu 1. alineja 1 riječi "212.000 KM na iznos 175.700 KM" zamjenjuju se riječima "377.000 KM na iznos 340.700 KM"

II

Ova odluka stupa na snagu danom donošenja, a primjenjivaće se po dobivanju saglasnosti Ministarstva zdravstva Kantona Sarajevo.

Broj 01/2-02-2-13986-5/25
23. aprila 2025. godine
Sarajevo

V. d predsjednika
Upravnog odbora
Dr. sc. **Jasmin Hošo, s. r.**

Ministarstvo za boračka pitanja Kantona Sarajevo

Na osnovu člana 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 56. stav (4) Zakona o dopunskim pravima boraca- branitelja Bosne i Hercegovine ("Službene novine Kantona Sarajevo", br. 31/22, 8/24 i 13/25), ministar za boračka pitanja Kantona Sarajevo donosi

PRAVILNIK

O IZMJENAMA I DOPUNAMA PRAVILNIKA ZA UTVRĐIVANJE PRAVA NA DODJELU JEDNOKRATNE NOVČANE POMOĆI

Član 1.

(Izmjene člana 19.)

- (1) U Pravilniku za utvrđivanje prava na dodjelu jednokratne novčane pomoći ("Službene novine Kantona Sarajevo", broj 15/25) u članu 19. stav (2) mijenja se i glasi:

"(2) Komisija iz stava (1) ovog člana se sastoji od šest članova od kojih je jedan član obavezno ljekar specijalist i mora biti uvijek prisutan u radu Komisije. U slučaju opravdanog odsustva ljekara specijaliste imenuje se zamjenski član Komisije, ljekar specijalista, čiji zadatak je da bude prisutan u radu Komisije za vrijeme odsustva imenovanog ljekara specijaliste."

(2) U stavu (5) riječi: "uz saglasnost ministra" se brišu.

Član 2.

(Izmjene člana 20.)

(1) U članu 20. u stavu (10) iza riječi: "objavljuje" riječ: "se" se briše.

(2) Stav (11) mijenja se i glasi:

"(11) Za lica koja ispunjavaju uvjete za dodjelu jednokratne novčane pomoći Komisija donosi zbirnu odluku, koja se objavljuje na info-punktu i internet stranici Ministarstva, o čemu se obavještenje objavljuje u jednom dnevnom listu koji se distribuira na području Federacije BiH. Protiv ove odluke može se izjaviti žalba ministru u roku od osam dana od dana objavljivanja obavještenja u dnevnom listu. Rješenje koje ministar donese po žalbi je konačno, a protiv njega se može pokrenuti upravni spor."

Član 3.

(Izmjene i dopune člana 26.)

(1) U članu 26. u stavu (5) na kraju teksta interpunkcijski znak "tačka" zamjenjuje se interpunkcijskim znakom "zarez" i dodaje se tekst koji glasi: "te da donese zbirne odluke o dodjeli sredstava za lica koja ispunjavaju uvjete za ostvarivanje prava i zbirne odluke za lica koja ne ispunjavaju uvjete za ostvarivanje prava."

(2) Stav (7) mijenja se i glasi:

"(7) Po zaprimljenim i obrađenim zahtjevima stručna komisija donosi zbirne odluke o dodjeli sredstava za lica koja ispunjavaju uvjete za ostvarivanje prava i zbirne odluke o ne ispunjavanju uvjeta za ostvarivanje jednokratne novčane pomoći za zadovoljavanje osnovnih životnih potreba i za grijanje, pri čemu jednokratne novčane pomoći za zadovoljavanje osnovnih životnih potreba imaju prioritet i odluke se donose sukcesivno."

(3) Stav (8) mijenja se i glasi:

"(8) Na odluke iz stava (7) ovog člana može se izjaviti žalba ministru u rokovima i na način kako je propisano članom 20. st. (9) i (11) ovog pravilnika."

(4) Stav (10) mijenja se i glasi:

"(10) Po osnovu podnesenih zahjeva za pojedine vidove grijanja, za lica koja ispunjavaju uvjete za ostvarivanje prava, ministar donosi odluku o sufinansiranju grijanja u kojoj se precizira način i visina sufinansiranja za pojedine vidove grijanja."

(5) U stavu (11) iza riječi: "korisnicima" interpunkcijski znak "tačka" zamjenjuje se interpunkcijskim znakom "zarez" i dodaju se riječi: "po zaključenju sporazuma sa javnim preduzećima."

(6) Iza stava (12) dodaje se novi stav (13) koji glasi:

"(13) Rješavanje zahtjeva za dodjelu jednokratne novčane pomoći za zadovoljavanje osnovnih životnih potreba i za grijanje vrši se po hronologiji podnesenih zahtjeva."

Član 4.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 06-02-16457/25

13. maja 2025. godine

Sarajevo

Ministar

Dr. sc. **Omer Osmanović**, s. r.

OPĆINA ILIJAŠ

Općinsko vijeće

Na osnovu člana 55. Statuta Općine Ilijaš ("Službene novine Kantona Sarajevo", br. 20/09 -Prečišćeni tekst i 46/18) i čl. 90., 131., 134. i 135. Poslovnika Općinskog vijeća Ilijaš ("Službene novine Kantona Sarajevo", br. 19/22 i 16/23) Općinsko vijeće Ilijaš, na svojoj redovnoj 7. sjednici, održanoj dana 28.04.2025. godine, na prijedlog Komisije za statut i propise Općinskog vijeća Ilijaš za davanje autentičnog tumačenja člana 15. stav (3) alineja druga Odluke o osnivanju Javne ustanove "Kulturno-sportski centar i Radio Ilijaš" Ilijaš ("Službene novine Kantona Sarajevo", br. 2/00 i 18/10), iniciran od strane Službe za društvene djelatnosti i poslove mjesnih zajednica Općine Ilijaš, donijelo je

AUTENTIČNO TUMAČENJE

ČLANA 15. STAV (3) ALINEJA DRUGA ODLUKE O OSNIVANJU JAVNE USTANOVE "KULTURNO- SPORTSKI CENTAR I RADIO ILIJAŠ" ILIJAŠ ("SLUŽBENE NOVINE KANTONA SARAJEVO", BR. 2/00 I 18/10)

I

Odredba člana 15. stav (3) alineja druga Odluke o osnivanju Javne ustanove "Kulturno-sportski centar i Radio Ilijaš" Ilijaš ("Službene novine Kantona Sarajevo", br. 2/00 i 18/10) koja glasi:

"da ima 5 godina iskustva u struci, od toga najmanje 2 godine na poslovima rukovođenja" ima sljedeći pravni smisao i značenje:

"Uslov od pet godina radnog iskustva u struci nakon stjecanja visoke stručne spreme predstavlja opći uslov i podrazumijeva radno iskustvo stečeno nakon postignutog stepena visokog obrazovanja i to na poslovima određenim članom 1. Odluke o osnivanju Javne ustanove "Kulturno-sportski centar i Radio Ilijaš" Ilijaš, a koji obuhvataju poslove iz djelatnosti obrazovanja, nauke, kulture, fizičke kulture, sporta i drugih djelatnosti za koje je Ustanova registrovana i ukoliko je ustanova u kojoj je radno iskustvo stečeno bila registrovana za obavljanje navedenih poslova kao pretežne, odnosno osnovna djelatnosti.

Uslov radno iskustvo u struci u trajanju od dvije godine ne poslovima rukovođenja predstavlja poseban uslov i podrazumijeva radno iskustvo na rukovodećim poslovima u trajanju od dvije godine sa stepenom visoke stručne spreme i to isključivo na poslovima koji su određeni članom 1. Odluke o osnivanju Javne ustanove "Kulturno-sportski centar i Radio Ilijaš" Ilijaš, a koji obuhvataju poslove iz djelatnosti obrazovanja, nauke, kulture, fizičke kulture, sporta i drugih djelatnosti za koje je Ustanova registrovana i ukoliko je ustanova u kojoj je radno iskustvo stečeno bila registrovana za obavljanje navedenih poslova kao pretežne, odnosno osnovne djelatnosti.